



CARA-CARA MEMBANGUNKAN KEMAHIRAN KEUSAHAWANAN

Keperluan kemahiran keusahawanan ini adalah sangat penting, terutamanya bagi bakal usahawan yang ingin membangunkan serta mengembangkan sesbuah perniagaan. Usahawan dan juga bakal usahawan perlu mengenalpasti dan menilai kemahiran sedia ada dan kemahiran *foreseeable* yang boleh digunakan dalam menguruskan sesbuah perniagaan seperti kemahiran pengurusan, teknikal kepakaran dan kemahiran dan ilmu teknologi terkini. Sebagai contoh, usahawan perlu pakar dalam ilmu pengetahuan dan teknikal merancang dan menyediakan produk atau perkhidmatan yang ditawarkan kepada pelanggan dan bagaimana pelanggan boleh menggunakan produk atau perkhidmatan itu dengan sepenuhnya.

Kemahiran keusahawanan mampu dipelajari, dibentuk dan dikuasai oleh seorang individu yang melalui proses pendidikan keusahawanan ataupun pengalaman yang telah diperolehi sebelum atau semasa terlibat dalam aktiviti keusahawanan. Dengan adanya pembangunan kemahiran keusahawanan dilaksanakan, keluaran produk baharu yang berbentuk fizikal, mahupun perkhidmatan atau teknologi yang boleh dipasarkan mampu dihasilkan.

Berikut merupakan beberapa cara atau langkah untuk membangunkan pelbagai kemahiran keusahawanan yang boleh dilaksanakan, iaitu seperti:

Melakukan Ujian & Teknik Kemahiran Keusahawanan

- ⊕ Ujian dan teknik kemahiran keusahawanan boleh diperolehi semasa mengikuti sesi bengkel, kursus atau latihan berdasarkan pembangunan personaliti dan kemahiran keusahawanan yang disediakan oleh agensi-agensi kerajaan dan swasta.
- ⊕ Ujian-ujian serta latihan kemahiran keusahawanan termasuklah seperti teknik membangunkan proses pemikiran kreatif, teknik penyelesaian masalah, kemahiran pengurusan perniagaan, kewangan, dan pemasaran digital juga banyak ditawarkan kepada mana-mana individu sebagai persediaan dalam menguruskan perniagaan mereka.

CARA-CARA MEMBANGUNKAN KEMAHIRAN KEUSAHAWANAN

Menghadiri Latihan/Kursus/Bengkel Kemahiran Keusahawanan

- ✚ Mengikuti atau menyertai mana-mana latihan, kursus, bengkel atau seminar yang berbentuk mengasah kemahiran/skil keusahawanan.
- ✚ Melalui penyertaan aktiviti bengkel, latihan atau kursus tersebut, seseorang individu boleh mengenalpasti dan menilai ciri-ciri personaliti yang ada dalam diri mereka sendiri seperti minat, kemahiran, nilai, sikap dan juga kepercayaan yang unik dan tersendiri.
- ✚ Ciri-ciri unik dan tersendiri tersebut boleh dieksplotasi atau dikembangkan sebagai satu ciri positif yang boleh membawa kepada pencapaian matlamat individu, sosial maupun kerjaya termasuklah mengasah bakat serta kemahiran keusahawanan.
- ✚ Contohnya; kursus pembentangan awam, dan kursus teknologi digital. Proses latihan yang berterusan dinamik akan membantu usahawan memperoleh kemahiran yang mencukupi untuk menguruskan perniagaannya.

Menjadikan Idola Usahawan sebagai Role-Model

- ✚ Menjadikan usahawan idola yang berjaya sebagai *role model* dalam menguruskan perniagaannya.
- ✚ Aktiviti-aktiviti seperti melihat, mengenalpasti dan menganalisis ciri-ciri personaliti dan kemahiran unik serta berkarisma seseorang usahawan idol yang telah berjaya dalam mana-mana perniagaan yang diceburinya boleh dipelajari oleh mana-mana individu yang berminat untuk menjadi usahawan atau bakal usahawan tersebut.
- ✚ Aktiviti ini berupaya memberikan pandangan baharu untuk mencontohi kemahiran-kemahiran usahawan idola tersebut dan diperaktikkan untuk mengasah potensi diri mereka sebagai seorang usahawan yang berjaya.
- ✚ Secara tidak langsung, individu bersemangat tinggi untuk memperbaiki kelemahan diri di samping mempertingkatkan kemahiran keusahawanan yang sedia ada supaya mereka juga boleh berjaya dan berkemahiran seperti usahawan idola berkenaan.

CARA-CARA MEMBANGUNKAN KEMAHIRAN KEUSAHAWANAN

Menggalakkan Cara Berfikir Seperti Seorang Pencipta

- ⊕ Seorang pencipta berupaya menhasilkan perubahan konsep dan idea baharu.
- ⊕ Sifat pencipta yang setiasa ingin mencuba sesuatu yang baharu dan berani mengambil risiko boleh menjadikan mereka lebih berkemahiran untuk menghasilkan idea-idea kreatif dan inovatif.
- ⊕ Mereka juga turut mampu mencipta peluang dan memperkenalkan proses/kaedah baharu untuk meningkatkan produktiviti pengeluaran atau sentiasa melakukan perubahan yang relevan dan realistik.

Memperuntukkan Masa Untuk Fokus & Praktis Kemahiran

- ⊕ Memperuntukkan masa yang sesuai untuk fokus dan mempraktikkan kemahiran yang relevan seperti berkomunikasi, berunding dan pengurusan masa untuk dikuasai dengan mahirnya.
- ⊕ Mempelajari dan mempraktikkan kemahiran pemujukan dan mempengaruhi orang lain mampu dikuasai melalui kekerapan mempraktikkannya dan juga masa yang lama dan panjang untuk dikuasai sepenuhnya.

DISEDIAKAN OLEH:

MERLYN RITA ANAK BUNCHA & DR SALMAH TOPIMIN,

PENSYARAH KEUSAHAWANAN,

FAKULTI PERNIAGAAN, EKONOMI DAN PERAKAUNAN,

UNIVERSITI MALAYSIA SABAH.

merlyn@ums.edu.my